



partii naleraq

UKA 2016/023-01

23-09-2016

Kalaallit Nunaata Aatsitassarsiornermi Aningaasaateqarfia pillugu allannguutissatut siunnersuut Inatsisartut inatsisissaat nr. xx, 2016-mi xx. xx-meersoq.(Aatsitassarsiornermi aningaasaateqarfiup toqqammaviumik isertitaqarfia)

(Aningaasaqarnermut Aatsitassanullu Naalakkersuisoq)

Kalaallit Nunaata Aatsitassarsiornermi Aningaasaateqarfia pillugu allannguutissatut siunnersuut Inatsisartut inatsisissaat nr. xx, 2016-mi xx. xx-meersoq.(Aatsitassarsiornermi aningaasaateqarfiup toqqammaviumik isertitaqarfia) pillugu siunnersuut Partii Naleqqamiit imannak oqaaseqarfigissuarput:

Upernaakkut 2015-imi inatsisartuni immikkoortup UPA 2015/122 oqaluuserinerani Partii Naleqqamiit oqaaseqaativut innersuussutigalugit allannguutissatut siunnersut tamakkiisumik taperseratsigu matumuuna nalunaarutingaarput.

Tassami pissusissamisuunngilaq Aatsitassarsiornermi Aningaasaateqarfimmut pisigisat naleqarsimassappata taakku naligi aningaasaateqarfimmi isertitatut pinneraatitut inissinneqartarnissaat.

Siusinnerusukkut apeqqutigisimangaluarparput Aningaasaateqarfik maanna eqqartorneqartoq qanoq imaqarnersoq/aningaasaateqarnersoq, kisianni apeqqut taanna erserissumik akineqanngilaq.

Maannakkut uunga suliamut tunngatillugu oqaaseqaatini nalginnaasuni ilaatigut paasissutissat imaattut atuarneqarsinnaapput:

“Aatsitassarsiornermi aningaasaateqarfiup inatsisaata atuutsilernissaa allanngortinneqarpoq, tassa Inatsisartut siunnersuummut matumunnga tunngavissamik aalajangiineratigut. Taamaalluni aatsitassarsiornermi aningaasaateqarfiup inatsisaa Inatsisaatigut nr. 25-ikkut 2015-mi decemberip 9-neersukkut allanngortinneqarluni.

Taamaalilluni aatsitassarsiornermi inatsit atuutilissalluni januarip 1-ani, Inatsisartut ukiut tulleriit aappaanni nunatta karsiata naatsorsuutaanik akuersinerata kingorna, tamatumani aatsitassarsiornermi 10 milluni koruunit sinnerlugit isertitat ukiumi naatsorsuuseriffiusumi ilaasut”.

Oqaaseqaatini tamatuma kinguliani erseqqissumik allaqqasoqanngilaq, aningaasaateqarfik maanna eqqartugarput qanoq aningaasaateqartiginersaq ?

Taamaammat Naalackersuisunut apeqqutigeqqissuarput qanoq amerlatigisunik aningaasaateqarfimmi tassani inuiaat kalaallit aningaasaateqarpat ?

Manna iluatsillugu siusinnerusukkulli § 37-ikut naalackersuisunut apeqquteqartarsimavugut, Qeqertarsuatsiaat eqqaani rubinit annissuunneqartut pillugit ?

Kisianni uggornarluinnartumik suli maannamut ersarissumik tamakkiisumillu paasissutissinneqanngilagut, pingaartumik rubinit annissorneqartut qanoq naleqartigineritut tunngassut eqqarsaatigalugit.

Tassami qanittukkut aamma inatsisartunut ilaasortap Múte B. Egede-ip apeqqutaanut Naalackersuisut akissuteqarnerminni ilaatigut 2015-imi taakkorpiaat pillugit apeqqutigisimasannut akissut (2015-274) innersuuteqqinneqaannarluni. Kisiannili akissuteqaammi oqaatigineqaaqqiinnarluni:

“Aamma § 37 naapertorlugu apeqquteqaammut 2015-274-imut akissuteqaammi paasissutissiissutigineqartut, Korund-it Canada-mi aamma USA-mi uninngasuutigineqartut nalilersorneqarnerannik suliaqartoqanngilaq”

Isumaqarpugut pissutsit taamaannerat assut ilungersunartutut nalilernerqartariaqartoq akuersarneqarsinnaanngitsorlu, tassami assersuutigalugu maani najungaqavissut ujaqqanik pineqartunik nalilersuisoqarsimatinnagu annissueqqusaanngilluinnarput.

Taamaammat piumasaraarput, rubinit ujaqqallu allat erlinnartut suungaluarnersut ukiorpassuarni annissuunneqarsimasut piaartumik nalilersorneqarnissaat, nunatsinnullu utertinneqarnissaat piumasarineqassasut.

Taama naatsumik oqaaseqarluta siunnersuutip taperserlugu siunnersuut Aatsitassanut ataatsimiititaliami suliap aappassanneerineqannginnerani suliarineqarnissaa inassutingaarput.

